

Pa garantisa tranquilidad

Director Medico, dr. Jaime Falconi ta keda na cabez di HOH pa 4 luna mas

Prome Minister Mike Eman a fin di e luna aki lo retira como Director Medico di Dr. Horacio E. Oduber Hospital.

E dos añanan cu e Director Medico, dr. Jaime Falconi ta haciendo un bon trabou. E Junta di Supervision, cu ta consisti di 7 miembro ta controla e Junta Directiva.

Gobierno mes tin poco poder den Junta di Supervision, pasobra nan tin unicamente dos miembro den e junta, cu sigur no ta mayoria.

T'asina berdad cu e Junta di Supervision no kier a sigui cu dr. Jaime Falconi como Director Medico, sin a splica e motibonan, pero a bisa pa mihor bay puntra e propio dr. Jaime Falconi, pakico e no kier keda den su funcion.

Minister di Salubridad Publico, dr. Alex Schwengle tambe ta di opinion mester tin tranquilidad na hospital p'asina tur stakeholder por a yega na un entendimento mihor posibel.

Y esaki a keda negocia y e partidonan a haya otro pa dr. Jaime Falconi keda 4 luna mas, mientras cu lo sigui cu un proceso pa bira un Director Medico nobo. E por t'e propio dr. Jaime Falconi, kende por bolbe, pero bao di otro condicionnan.

Na Hospital tin hopicos cu mester sosode. Pa maneha e cambionan cu tin, e retonan

cu tin ta masha importante. Deseo di HOH ta, cu banda di brinda servicio na Aruba, kier expande esaki tambe den region.

Pa Minister Schwengle ta importante p'e tin e tranquilidad necesario pa haya e mihor personanan pa carga e responsabilidad cu tin.

Un despedida a wordi di dr. Falconi lo no duna e tranquilidad mirando e aprecio grandi di hospital mes y Gobierno mes mirando e

forma cu a atende cune desde cu ela asumi e responsabilidad, segun Prome Minister Mike Eman.

Sin duna kende tin razon of no a pidi pa tog wanta un rato e discusion y duna Minister Schwengle e espacio pa haci e mihor escogencia.

Prome Minister Mike Eman ta contento cu despues di algun dia di deliberacion, a firma un acuerdo cu Junta di Supervision y cu dr. Jaime Falconi p'e keda 4 luna mas.

Dr. Jaime Falconi sigur ta un candidato fuerte pa bin bek den future, pasobra su conocimiento ta grandi. Tin disponibilidad grandi pa sigui traha riba cualkier problema cu tin den e proximo 4 lunanan. Peseyescogencia di Junta di Supervision y Minister mester bay evalua e dianan cu ta bin.

